

讀史方輿紀要

辛丑仲秋

安卿題簽

四川方輿紀要序

四川非坐守之地也。以四川而爭衡天下，上之足以王，次之足以霸，恃其險而坐守之，則必至於亡。昔者漢高嘗用之矣。漢高王巴蜀，都南鄭，出陳倉，定三秦，戰於滎陽成臯之間，而天下遂歸於漢。諸葛武侯亦用之矣。武侯之言曰：王業不偏安也。又曰：雖不討賊，王業亦亡。惟坐而待亡，孰與伐之？是以六出祁山而不違安也。往者紛紛之際，桀黠者窺巴蜀之險，則從而竊據之。當其始也，氣盛力強，智勇交奮，勃然有并吞四方之勢。故足以創起一隅。其後處堂自足，意計衰歇，妄思閉境息民，乃叩關而至者，已在戶外矣。公孫述之有蜀也，完富實倍於羣雄。其下荆邯說之曰：宜發國內精兵，令田戎據江陵，臨江南之會，倚巫山之固，築壘堅守，傳檄吳楚，長沙以南望風而靡。令延岑上漢中，定三輔，天水隴西拱手自服。假令述能出此，則漢高之業可復見矣。而述不爲嗚呼如邯者，可謂明於用蜀者也。子陽井底蛙耳，安知天下大計？荆邯之言不用，而岑彭吳漢之師直指成都矣。此非坐守之前鑒哉？是故從來有取天下之略者，莫不切切於用蜀。秦欲兼諸侯，則先并蜀；并蜀而秦益強，富厚輕諸侯。晉欲滅吳，則先舉蜀。舉蜀而王濬樓舡自益州下矣。桓溫劉裕有問中原之志，則先從事於蜀。苻堅有圖晉之心，則亦兼梁益矣。宇文泰先取蜀，遂滅梁。隋人席巴蜀之資，爲平陳之本。楊素以黃龍平，乘出於永安，而沿江鎮戍，望風奔潰。唐平蕭銑，軍下信州，後唐莊宗滅梁之後，先吞蜀，未可謂非削平南服之雄心也。宋先滅蜀，然後并江南，收交廣，南渡以後，趙鼎謂欲圖關中，當自蜀始。張浚慮金人據陝，窺蜀而東南不可保。

也於是守蜀之謀甚備終宋之世恆視蜀之安危爲盛衰劉整之叛降於蒙古也獻計曰欲取江南宜先取蜀取蜀而江南可平蓋蜀者秦隴之肘腋也吳楚之喉吭也是誠攻取之先資也自張華以蜀爲窮險極峻坐守之國祖其說者謂巴蜀自守則有餘用以攻人則必至於敗嗚呼是豈知蜀者哉譙周以姜維數戰而咎之者是未足以服姜維也孔明有漢高之略而無漢高之時姜維有孔明之志而無孔明之才姜維用蜀而不能善用之者也謂其不知戰可也謂其不當戰則非也維以殘弊之蜀屢與魏人交逐於秦川而魏人無如何也及外有洮陽之敗內畏黃皓之譖解甲釋兵屯田沓中而敵師已壓其境此亦足以明坐守之非策矣且夫李勢恣睢於少城則亡譙縱踟躕於內水則亡王衍宴衍於國中則亡孟昶逸遊於境內則又亡豈皆以數戰之故哉然則蜀之爲蜀可知矣席勢乘便奮發有爲此王者之資也四方多故礪兵秣馬踰角於羣雄間此霸者之規也否則苟延歲月而已未有強鄰壓境大敵在前而保其險塞可幸無虞者是故出棧道以攻之而亡蜀者有之矣出江道以攻之而亡蜀者有之矣出一道以攻之而亡蜀者有之矣出兩道以攻之而亡蜀者有之矣司馬錯之於蜀侯鍾會鄧艾之於後主尉遲迥之於蕭紀郭崇韜之於王衍王全斌之於孟昶此以棧道亡蜀者也岑彭吳漢之於公孫述桓溫之於李勢朱齡石之於譙縱湯和之於明昇此以江道亡蜀者也桓溫卒止萬人而疾戰於青衣之間齡石軍分三水而捷出於彭模之上苻堅使楊安偕諸將叩劍閣而下涪城尉遲迥統偏師越二劍而踰涪水郭崇韜督諸軍而渡桔柏而入鹿頭此以一道亡蜀者也來歙以銳師臨隴道而

岑彭以水軍指江關鍾會以重兵攻劍閣而鄧艾以奇兵下陰平王全斌以步騎趨劍閣而劉光進以舟師上夔峽湯和將水軍擊瞿塘而傅友德以間道越白水此以分道亡蜀者也且不惟繼兵陰平爲千古之創事也王宏贊出白衛嶺而倒攻劍閣矣康延澤從青輶店則夾擊劍閣矣是劍閣不爲固矣湯和伐木而出白鹽山廖永忠昇舟而上黑葉渡則瞿塘亦不能守矣然則有不攻則已攻則蜀未有不亡者也其或有不亡者劉敬宣之阻黃虎以白帝之緘未發也王足之釋涪城以邢巒之言不用也王宏贊之棄劍州以石敬瑭之師不繼也然而破軍殺將舉國震恐幸而不亡以攻者不力耳夫攻者不力而守者得全豈必蜀之險而後能之哉夫蜀之所以易亡者何也譬之禦盜者禦盜於垣牆之內垣牆一壞而舉家之人心膽墮地何能復興與敵戰哉然則守劍閣者不以劍閣守瞿塘者不以瞿塘可知也夫劍閣瞿塘三尺童子皆知其爲險也知其爲險則攻者必有之死而生之志守者必有以逸待勞之情用心一分而成敗判焉此魏武侯中流而喜吳起所爲瞿然者也然則欲蜀之亡必以戰乎曰余非謂恃戰以存蜀也棄守以爲戰者不可謂善戰者也故曰以戰爲守守必固以守爲戰戰必強戰守不相離也如形影然姜維不知守所以不知戰也使維識閬外得事之義分遣一軍先絕陰平以防未然遵武侯之法固守諸圍拒敵於險而親率一軍出駱谷與敵相持於橫門沈嶺之交雖百會艾亦何能爲哉後之事戰而不事守者肅紀是也紀悉甲以爭江陵而空國以待魏師之入地亡於西身死於東是戰而失其所以戰者也夫戰而失其所以戰者亦未或不亡也或曰蜀不可守三代之時蜀何以

傳國至數百年乎曰是時勢之異也三代之時世敦人朴爲帝王者未有窮兵邀利之心也苟其不侵不畔斯置之矣自秦滅蜀而富強益著後之兼天下者其能一日忘蜀哉光武之并蜀也獨在削平僭僞之後蓋慮其地險力強盡拔其黨使之孤立而後圖之以天下之大僅存一蜀蜀其不能逃於釜中矣明初平蜀亦在掃清中原之後蓋知其以一女子奉一弱主僅保險阻之不暇不能爲我上流患也故遲之也此又時勢之變事同而情異者也有運籌天下之志者不能取鏡於漢高之偉略武侯之成算而曰蜀不足以攻人也是豈智出古人上哉吾見其不知量也夫恃其險而坐守之以至於亡又豈惟蜀爲然哉



讀史方輿紀要卷六十六

常熟顧祖禹景范輯著

四川一

禹貢華陽黑水惟梁州

應劭曰梁州者言西夏殷之閭梁州為蠻夸國所謂巴獬彭濮之人也

史記昌意娶蜀山氏女生帝高陽後封其支庶於蜀歷夏商至周衰

周職方無梁州蓋併入於雍州周末秦惠王使司馬錯伐蜀有其地於天

稱王長曰蠶叢次曰栢灌次曰魚鳧

文與秦同分野亦兼參之宿秦并天下此為巴蜀二郡漢武置十三州此為益州

風俗通益之為言隘也言其地隘險亦曰疆壤益大自漢

滅越而蜀西南李皆震恐請吏入朝今土境皆自漢以後歷代開拓氏羌戎夸之地也

王莽末公孫述據有其地為庸部後漢建武十二年平之仍置

益州

治維今漢州也中平五年劉焉為牧益州徙治綿竹繼又徙治於成都

漢末先主有其地炎興初為魏所并亦曰益州

晉因之惠帝以後李

特據此

永和三年收復晉康初沒於苻堅太元中堅敗復取其地義熙初為譙縱所據九年討平之自宋以後

多因前代蕭梁末屬於西魏隋氏因之唐貞觀中置劍南道

治益

及山南道

治荊州而境內之保甯順慶重慶

州域形勢

開元中又分屬劍南及山南西

治漢中今保甯東境及順慶重慶之地屬焉

山南東

治襄陽今夔州等府唐初皆屬山南道今詳

下倣此

唐同光三年平之旋為孟知祥所據宋乾德三年平蜀置西川

治益

峽西路

治興元今保甯順慶重慶夔州龍安等府時悉為峽西路

四年又分西川東西兩路

東路治梓州西路治成都

陝西為利夔兩路

利州路仍治興元夔州路治夔州亦曰益梓利夔四路

元置四川等處行中書

省

治成都

元末明玉珍據此明洪武四年平之九年置四川等處承宣布政使司領府九直隸州六屬州十五屬

縣一百十二長官司九

衛所長官司不與焉總為里一千二百五十有奇

而衛所諸司參列其中今仍為四川

縣一百十二長官司九

秋夏二稅大約一百二萬八千五百五十石有奇

而衛所諸司參列其中今仍為四川

布政使司

成都府 屬州六 縣二十五

成都縣

附郭

華陽縣

附郭

雙流縣

郫縣

溫江縣

新繁縣

新都縣

彭縣

崇甯縣

灌縣

金堂縣

仁壽縣

井研縣

資縣

內江縣

安縣

簡州

屬縣一

資陽縣

崇慶州

屬縣一

新津縣

漢州

屬縣三

什邡縣

綿竹縣

德陽縣

綿州

屬縣二

彰明縣

羅江縣

茂州

屬縣一

汶川縣

靜州等長官司附見

威州 屬縣一

保縣

保寧府 屬州二 縣八

閬中縣 附郭 蒼溪縣

南部縣

廣元縣

昭化縣

劍州 屬縣一

梓潼縣

巴州 屬縣二

通江縣 南江縣

順慶府 屬州二 縣八

南充縣 附郭 西充縣

蓬州 屬縣二

營山縣 儀隴縣

廣安州 屬縣四

岳池縣 今省 渠縣 鄰水縣 大竹縣



夔州府 屬州一 縣十二

奉節縣 附郭 巫山縣

大昌縣 今省 大甯縣 今省 雲陽縣 萬縣 開縣 梁山縣

新甯縣 今省 建始縣

達州 屬縣二

東鄉縣 太平縣

重慶府 屬州三 縣十七

巴縣 附郭 江津縣 璧山縣 今省 永川縣 榮昌縣 大足縣 今省 安居縣 今省 綦江縣

南川縣 長壽縣 黔江縣

合州 屬縣二

銅梁縣 定遠縣

忠州 屬縣二

酆都縣 墊江縣

涪州 屬縣二

武隆縣 今省 彭水縣

遷義府 屬州一縣四

遊義縣 附郭 桐梓縣

真安州 屬縣二

綏陽縣 仁懷縣

叙州府 屬縣十

宜賓縣 附郭 南溪縣 慶符縣 富順縣 長甯縣 高縣 筠連縣 珙縣

興文縣 隆昌縣 建武千戶所附見

直隸潼川州 屬縣七

射洪縣 中江縣 鹽亭縣 遂寧縣 蓬溪縣 安岳縣 今省 樂至縣

直隸眉州 屬縣三

彭山縣 丹稜縣 青神縣 今省

直隸邛州 屬縣二

大邑縣 蒲江縣

直隸嘉定州 屬縣六

峨眉縣 夾江縣 洪雅縣 犍爲縣 榮縣 威遠縣今省

直隸瀘州屬縣三

納溪縣 江安縣 合江縣瀘州衛附見

直隸雅州屬縣三

名山縣 榮經縣 蘆山縣

龍安府屬縣三

平武縣附郭 江油縣 石泉縣青川千戶所附見

馬湖府屬縣一 長官司三

屏山縣附郭 平夷 蠻夷 沐川凡不稱縣者卽長官司下倣此

鎮雄軍民府屬長官司四

懷德 威信 歸化 安靜

烏蒙軍民府

烏撒軍民府

東川軍民府

永甯宣撫司

屬長官司一

九姓 太平

黎州千戶所

天全六番招討司

松潘衛

所屬小河所及長官安撫諸司俱附見

疊溪所

所屬長官司附見

西陽宣撫司

石耶

平茶

邑梅

石砭宣撫司

四川行都指揮使司

屬衛六所八長官司五

建昌衛

附郭又有建昌前衛亦在郭內

禮州後所

禮州中所

打冲河中前所

德昌所

昌州

威龍

普濟

甯番衛

冕山橋所

越巂衛

邛部 鎮西

鹽井衛

打冲河中左所 馬刺

會井衛

迷易

東據夔門 夔門卽夔州府其東有瞿塘巫峽之險與荆楚接界

西連番族 威茂黎雅諸州以西皆番族也

南阻蠻部 永甯鎮雄烏撒東川皆爲蠻部又南卽雲南境內諸蠻矣

北控襄斜 襄斜在陝西漢中府史記巴蜀四塞棧道千里惟襄斜綰轂其口又蔡澤謂范雎君相秦棧道千

里通於蜀漢通釋襄斜道一名石牛道今由漢中府鳳縣連雲棧西南過金牛峽亦曰石牛道至川口凡九

百餘里

其名山則有峨眉 峨眉山在嘉定州峨眉縣西百里眉州南二百里張華以爲牙門山也亦曰峨眉山以其

兩山相對如蛾眉然自峨山而來連岡疊嶂延袤三百餘里至此突起三峯一爲大峨山一爲中峨山一爲



小峨山大峨山巖洞重複，龜谷幽阻，周圍千里，莫測遠近。登山者自麓而上，及山之半，又歷八十四盤山徑，如綫者六十里，而後至於峯頂。山中有石龜百十二，天洞十二，小洞二十八。若伏羲女媧鬼谷諸洞，其最著者也。又有雷洞七十三，時出雲雨，俗以爲雷神所居。中峨山在峨眉縣南二十里，一名覆蓬山，一名綏山。小峨山在峨眉縣南三十里，一名鐔刃山，三山相連，名曰三峨。左思所云抗峨眉之重阻是也。唐十道志：劍南

道名山曰峨眉，陸深云山周迴千里，高八十里。

岷山 岷山在成都府茂州西北五百里，地名列鵝村，一名鐵豹嶺，一名沃焦山。其附曰羊膊江，水所出，禹貢

岷山之陽，至於衡山。衡山見湖廣名山又曰岷山導江，荀卿曰江出於岷山，其源可以濫觴。太史公西瞻蜀之岷山

又封禪書：自華以西，名山曰瀆山。瀆山者，汶山也。汶與岷通，漢書作嶧山，亦作岐山。河圖括地象：岷山之精，上爲井絡，古蜀謠云汶阜之山，江出其腹，揚雄反離騷自

岷山投諸江流以弔屈原是也。漢元延三年，岷山崩，瀆江水三日不流。今其山直上六十里，嶺最高者，遇大雪，開澤，見成

都郭璞岷山贊曰：岷山之精，上絡褒井，始出一勺，終至淼溟。王羲之曰：岷山夏含霜雪，殆崑崙之伯仲也。水

經注：岷山卽瀆山，水曰瀆水，又謂之汶阜。卽隴山之南首也。故稱隴蜀。唐十道志：劍南道名山曰岷山，杜光

庭曰：岷山連峯接岫，千里不絕。灌縣青城山乃其第一峯。劉昫曰：岷山連嶺而西，不知紀極。北望隴山，積雪

如玉，南望成都，若在井底。陸游曰：嘗登岷山，欲窮江源而不可得。蓋自蜀境之西，大山廣谷，嶺呀起，復西南

走，彎管中皆岷山也。則江所從來遠矣。薛氏曰：蜀西之山皆岷山也。今自岷洮松疊以南，其大山峻嶺，班班

可考者皆岷山之隨地易名者耳

青城 青城山在成都府灌縣西南五十里名山記山當益州之西南蜀郡今崇慶州之西北是也一名青城都山

形如城北接岷嶺南接峨眉唐六典爲劍南道名山之一道書以爲第五洞天一名丈人山晉王弼云山爲五嶽之長因名郡志以丈人青城分

爲二山爲二一名赤城山杜光庭記山高三千六百丈周匝一百五十里蜀山之望也山有七十二小洞應七十二

候八大洞應八節晉元康以後蜀亂處士范長生率衆數千家保青城山太安中李流圍成都屯郫城士衆

饑乏長生自青城山資給之軍復振其案山曰成都山前臨麻姑洞深不可測與諸洞相連縣西南七十里

爲高臺山上有天池晉時所立上清宮在焉又西南十里曰天倉山連崖隱軫凡三十六峯前十八峯爲陽

後十八峯爲陰相傳爲神仙帑庫又有天國山亦作天谷在縣西南九十里祝穆曰青城山左連大面右接鶴鳴

鶴鳴山見崇慶州前臨獅子後枕大隋大隋山天谷又有聖母山一名慈母山高二千餘丈周三十餘里高下與青城

相接志山云亦在灌縣西南五十里又西南爲便傍山在灌縣西南百三十里當吐蕃之界谿谷深邃夏積冰雪天所以限中外也大

面山在三谿之北青城山前號青城後曰大面實一山耳谿水黑亦名黑水谿丈人觀在青城山北二十里後唐同光三年蜀

王衍遊青城山歷丈人觀上清宮是也丈人觀西北又有鬼城山諸山前後絡繹不一其名要皆青城山之

支峯矣

劍門 劍門山亦曰大劍山在保甯府劍州北二十五里一名梁山山海經高梁之山西接岷嶺東引荆衡嶠峽山也見眉州彭山縣郭璞以珣峽爲

二山又尋江源記梁其東北三十里爲小劍山兩山相連水經注小劍戍西去大劍山三十里連山絕險飛

閣通衢謂之劍閣華陽國志武侯相蜀鑿石架空始爲飛閣以通行道是也輿地廣記孔明以大劍至小劍

道三十里尤險復置尉守之又云小劍山有小石門穿山通道長六丈餘卽俗所稱石牛道亦名金牛道秦司

馬鎔由此以伐蜀漢永平中司隸楊□鑿而廣之今關口亂石錯立乃其故址按水經注十三州志漢中志皆

云石門在漢中廣記似誤三國漢末魏鍾會入漢中下關城此謂漢中之陽平關姜維退屯劍閣以拒會列營守險會不

能克今大劍山猶有姜維故壘晉元康八年李特帥關中流民就食巴蜀遇劍閣太息曰劉禪有如此地面

縛於人豈非庸才耶升平三年梁州刺史司馬勳叛率兵入劍閣攻涪今綿州進圍益州桓溫遣朱序等討平

之甯康初秦苻堅使毛當等出劍門別將徐成攻劍閣克之王氏曰苻堅使楊安寇蜀其將徐成陷二劍於是始有二劍之稱齊建元二年

晉壽民李烏奴引氏寇梁州豫章王鸞遣中兵參軍王圖南將益州兵從劍閣掩擊之梁南秦二州刺史崔

慧景發梁州兵屯白馬卽陽平關與圖南覆背擊烏奴烏奴敗保武興武興見陝西略陽縣梁天監四年魏邢巒取漢中諸

城戍遣統軍王足入劍閣圍涪城巒表言蜀之所恃惟在劍閣今既克重阻瞻望涪益旦夕可圖劍閣天險

得而棄之良可惜矣請遂乘勝取蜀不聽十三年魏復謀取蜀分遣其將甄琛出劍閣十五年巴西梓潼二

郡太守張齊與魏爭葭萌敗還小劍大劍諸戍皆棄城走普通六年益州刺史蕭淵猷遣其將樊文熾等圍

魏益州長史和安於小劍魏將湛于誕引兵救小劍文熾敗遁大同初劍閣復入於梁大寶初氏酋楊法琛

入利州今廣元縣據州附魏益州刺史武陵王紀遣楊乾運等討之法琛發兵據劍閣乾運攻拔之法琛遁走承

聖二年紀東侵荊州西魏將尉遲迴乘虛南寇潼川

今綿州

刺史楊乾運等密以劍閣送款於魏迴入劍

遂瓦解後周大象初益州總管王謙舉兵應相州

時相州總管尉遲迴舉兵討楊堅也

楊堅使梁睿討之自劍閣進逼成都謙

敗死唐置劍門關及大劍小劍二戍元和初劉闢作亂山南西道嚴礪遣將先奪劍門入劍州而闢以喪敗

蓋劍門足以制兩川之命也咸通乾符中南詔犯成都師出劍門而敵引却乾甯四年王建攻東川岐帥李

茂貞遣將李繼昭救之留偏將守劍門以防歸路西川將王宗播擊擒之後唐同光四年滅蜀師還至利州

李紹琛自劍州擁軍而西稱西川節度李繼友遣任圜追擊之圜先遣別將下劍門關守之遂進敗紹琛於

漢州長興初董璋孟知祥謀據兩川璋遣兵築七寨於劍門又於劍門北置永定關布列烽火時唐主亦議

發兵討璋知祥聞之疑懼謀於其屬趙季良季良請以東川兵先取遂閬

時唐主增兵置帥於閬遂二鎮與利州爲三鎮

然後并兵

守劍門則大軍雖來吾無內顧之憂矣既而璋克閬州引兵趨利州遇南糧盡還閬州知祥驚曰比破閬州

正欲徑取利州其帥不武必望風自遁我獲其倉廩據漫天之險

漫天嶺見廣元縣

北軍終不得西救武信

時兩川合軍攻

遂州也

今僻處閬州遠棄劍閣非計也欲遣兵助守劍門璋固辭乃止既而唐軍來伐石敬瑭入散關

見陝西重險

前鋒王宏贇等引兵出人頭山後

今見昭化縣

過劍門南還襲劍門克之進破劍州而大軍不繼乃還保劍門知

祥聞之大懼急遣兵赴劍州屯守唐兵來攻敗還周顯德二年遣軍伐蜀取秦階諸州蜀人懼聚兵糧於劍

門白帝爲守禦之備宋乾德三年王全斌伐蜀發利州至益光

即益昌今昭化縣

得降卒牟進言益光江東越大山